

Sakshandsamar:

Arvid Stenehjem
E-post: arvid.stenehjem@sfj.no
Tlf.: 91576880

Vår ref.

Sak nr.: 19/4330-2
Gje alltid opp vår ref. ved kontakt

Internt l.nr.

25725/19

Dykkar ref.**Dato**

LEIKANGER, 10.05.2019

Fylkeshovudverneombod
Olav Vestrheim

Svar - Innspel maimøtet 2019

Viser til ditt innspel der du ønskjer å setje to saker på dagsorden i hovudsamarbeidsutvalet (HSU) sitt førstkommande møte den 22. mai 2019. Du adresserer dette innspelet i e-post til underteikna med kopi til sekretæren til kontrollutvalet, Einar Ulla, også registrert i ESA til same mottakarar. Eg svarar med kopi til juridisk sjef og til fylkesrådmann som relevante kopi-mottakarar her.

Først til innspelet om å legge ut fylkestinget (FT) sitt vedtak etter forvaltningsrevisjon av HMT og IA-avtalen som ny sak for HSU. Fylkestinget er vårt øvste styrande organ og deira vedtak er å oppfatte som bestilling til fylkesrådmann. Det betyr at fylkesrådmannen har ansvar for å gjennomføre dei tiltaka som FT har gjort vedtak om.

Hovudsamarbeidsutvalet (HSU) vil i denne omgang få saka lagt fram under skriv og meldingar der alle relevante dokument vert lagde ut. HSU vert inviterte til å gjere vedtak om at utvalet tek skriv og melding til vitande. Det vil som alltid vere høve for å få protokollert eit anna vedtak og eller ein merknad/tilføyning frå utvalet samla eller frå einskildmedlemmar om det er ønskjeleg.

Funna frå forvaltningsrevisjonen og om korleis fylkesrådmann ser for seg å følgje opp fylkestinget sitt vedtak kjem i meldingssaka. I fylkesrådmannen sitt tilsvar til Deloitte sit utkast til rapport kjem det fram korleis fylkesrådmann vil svare ut dei bestillingane som FT- vedtaket gir. Dette følgde saka til fylkestinget. Noko vidare konkretisering av korleis administrasjonen vil følgje dette opp er ikkje pt. klargjort. Det vere seg bestillingar ned i linja eller kursing og opplæringstiltak inn i organisasjonen.

Så til innspel om å setje på dagsorden «Oppfølging av LAMU-fagskulen i perioden 2016 – 2019» som eiga sak i 22. mai møtet. Innspelet frå FHVO angående «Oppfølging av LAMU Fagskulen i perioden 2016-2019» er veldig omfattande og krev både tid og involvering av dei omtalte før saka kan setjast på dagsorden. Av omsynet til forsvarleg sakshandsaming er det ikkje mogeleg å få denne saka fram på denne korte tida før sakene til HSU sitt møte den 22. mai vert sende ut.

Med helsing

Arvid Stenehjem
rådgjevar

Brevet er elektronisk godkjent og er utan underskrift

Kopi til:
Svein Hågård, FRM
Tore Eriksen, FRM
Einar Ulla, SEK